

佛說一切如來真實攝大乘現證三昧大教

王經卷第一

第二  
同卷

盛一

宋西天藏朝奉大夫試光祿卿傳法大師施護等奉譯

金剛界大曼拏羅廣大儀軌分第一之一  
盛一

如是我聞一時世尊大毗盧遮那如來具足

一切如來金剛加持種種最勝三昧耶智獲  
得一切如來殊勝寶冠三界法王最上灌頂  
成就一切如來一切智智大相應主能作一  
切如來一切智印平等增上種種事業悉能  
圓滿普盡無餘諸有情界一切意願常住三

世一切身語心金剛大慈悲者爲一切如來

勸請稱讚在色究竟天王宮中安處廣大摩

尼寶殿彼有衆色珠鬘瓔珞鈴鐸繒旛間錯

垂布微風吹擊出和雅音半滿月等衆所莊  
嚴與九十九俱胝大菩薩衆俱所謂金剛手  
菩薩摩訶薩觀自在菩薩摩訶薩虛空藏菩  
薩摩訶薩妙吉祥菩薩摩訶薩起平等心轉  
法輪菩薩摩訶薩虛空庫菩薩摩訶薩摧諸  
魔力菩薩摩訶薩如是等菩薩摩訶薩而爲  
上首復有毘伽沙數等諸如來示現彼天乃

至徧滿闍浮提中猶如胡麻而彼無量無數諸如來身一一身中悉現無量無數佛刹一佛刹還復說此祕密法門是時世尊大毗盧遮那如來以一切如來互相涉入故平等安住一切虛空身語心金剛以一切如來無邊故爲一切金剛界覺悟智大士開發一切所作一切如來大灌頂寶一切如來日輪光盡虛空界極微塵量金剛加持出生智藏施設大金剛智大灌頂寶盡一切虛空舒徧真如智現成正等覺以一切如來身自性清淨故即一切法自性清淨以一切如來不空事

業勝所作故徧一切虛空悉現諸色普盡無餘諸有情界起善調伏一切勝行廣作一切無等無上種種事業從是出生一切賢聖所謂一切如來大菩提堅固大士一切如來鉤召三昧一切如來愛樂智自在一切如來善<sub>三</sub>所作一切如來大灌頂寶一切如來日輪光明一切如來大摩尼寶幢一切如來大笑一切如來大清淨法一切如來大智慧一切如來大輪一切如來祕密語一切如來不空種種事業一切如來大精進妙堅固鎧一切如

來偏持護金剛藥叉一切如來身語心金剛  
縛智印是諸賢聖總攝頌曰

金剛薩埵普賢尊 妙不空王金剛王  
摩羅謂即金剛愛 金剛善哉極喜王  
聖虛空藏金剛寶 大妙光曰金剛光  
妙寶幢即金剛幢 大喜笑謂金剛笑  
能觀自在金剛法 妙吉祥智金剛利  
諸曼拏羅金剛用 無言是即金剛語  
種種事業金剛業 精進甲胄金剛護  
猛惡惡聲金剛王 堅固執持金剛拳

標幟金剛鉤箭喜 蓬華劔并妙輪語  
蓮華劔并妙輪語 鴟磨甲胄怖堅持  
無始無終常寂靜 暴惡忿怒大安忍  
夜叉羅刹善無畏 威勢猛惡大富盛  
烏摩天主并世王 堅固勝根大寂默  
威一  
護世空居與地居 三世及彼三界等  
大種善作衆生益 一切設縛宗祖等  
生死涅槃常如是 正所流轉大復大  
覺性清淨大乘法 於三有中常利益  
彼降三世寂靜生 寂靜生主能調伏

堅固主宰妙勝地 大智波羅蜜多法  
一切菩薩解脫門 一切如來諸勝行  
正覺善利諸佛心 一切菩提無有上  
毗盧遮那最勝尊 自然總持諸正念  
摩訶薩埵大智印 三摩地生佛事業  
成就一切諸佛身 覺悟衆生常利益  
彼大根本即大黑 而大貪染爲大樂  
諸大方便大勝上 一切勝宮大自在  
爾時具德大菩提心普賢大菩薩住一切如  
來心時一切如來示現徧滿此佛刹中猶如

胡麻皆悉雲集詣一切義成菩薩坐菩提場  
所即爲示現受用身告彼菩薩言善男子若  
不能知一切如來真實智忍諸難行行云何  
證得阿耨多羅三藐三菩提是故汝今於此  
應起勇悍之意成所作故爾時一切義成菩  
薩摩訶薩由諸如來爲警覺已即從阿婆頗  
那迦三摩地起頂禮一切如來已作是白言  
世尊如來願教示我云何所行云何是真實  
智忍時諸如來異口同音向彼菩薩咸作是  
言大士汝應觀察自心三摩地如是所行是

真實忍當以自性成就大明隨所樂而誦大  
明曰

唵引即多鉢羅二合底微引鄧迦嚕一彌引彌一

時彼菩薩白諸如來言以世尊一切如來教  
示我故我見自心淨月輪相諸如來言善男  
盛一子心自性光明猶如徧修功行隨作隨成亦  
如白衣易成染色爾時一切如來以自性光  
明心智豐盛成所作故爲彼菩薩復說大明  
曰

唵引冒引地即多母怛波二合捺夜引彌一

即以如是自性成就大明爲令發起大菩提  
心時彼菩薩得諸如來教示發菩提心已復  
白諸如來言世尊如來如其所有淨月輪相  
我亦如是得見自心淨月輪相諸如來言一  
切如來心從普賢心生齊等堅固如善所行  
以一切如來自普賢心出生堅固成所作因  
應於自心淨月輪中思惟金剛相說是大明  
曰

唵引底瑟咤二合縛日羅二合

時彼菩薩白諸如來言世尊如來我已得見

靜月輪中妙金剛相諸如來言汝堅固此一切如來大普賢心真實金剛說是大明曰

諸佛影像當以如是自性成就大明隨所樂而誦大明曰

**唵**引<sup>二</sup>尊<sup>一</sup>目<sup>二</sup>囉<sup>一</sup>合<sup>二</sup>怛<sup>一</sup>摩<sup>二</sup>古<sup>一</sup>酘<sup>二</sup>引<sup>一</sup>欬<sup>同呼</sup>一郎<sup>切</sup>句<sup>下</sup>

是時徧一切虛空界互相涉入一切如來身

語心大金剛界以一切如來加持力混入薩

金剛中時諸如來乃爲具德一切義成大

**菩薩立秘密名號金剛界即以金剛大薩頂**

法而爲灌頂爾時金剛界大菩薩白諸如來

言世尊如來我見一切如來身即是已身諸

如來言大士薩埵金剛諸相具足如理應觀

時諸如來如是說已彼金剛界大菩薩以一切如來身即是己身將成正覺向一切如來偏頂禮已作是白言唯願世尊一切如來加持於我我所現成正等正覺令得堅固一切所作時諸如來即入金剛界如來薩埵金剛中爾時具德金剛界大菩薩於剎那中以一

一切如來平等智現成正覺已即入一切如來  
金剛平等最上智印祕密三昧現證一切如  
來法平等智自性清淨成就一切如來一切  
平等自性光明智是故成滿如來應供正等  
正覺時諸如來即從一切如來薩埵金剛中  
出持虛空藏大摩尼寶爲作灌頂從觀自在  
法智發生一切如來種種事業善安立已咸  
詣須彌山頂金剛摩尼寶峯樓閣中是時金  
剛界如來得一切如來所加持已於一切如  
來師子座中隨諸方面如理安住爾時阿閻

如來寶生如來觀自在王如來不空成就如  
來是諸如來以世尊釋迦牟尼如來成一切  
如來所加持身一切平等善通達故向一切  
方普偏觀察於其四方隨方而坐爾時世尊  
大毗盧遮那如來以一切如來普賢心證覺  
盛一  
未久已受一切如來虛空所生大摩尼寶最  
上灌頂已待一切如來觀自在法智最上波  
六  
羅蜜多已於一切如來種種事業不空無礙  
教中圓滿所作圓滿意樂爲一切如來自身  
加持故即入一切如來普賢大菩薩三昧出

生薩埵加持金剛三摩地此名一切如來大乘現證三昧即一切如來心從自心出說是

大明曰

縛日羅<sub>二</sub>薩埵<sub>一</sub>

纔出一切如來心時即彼如是具德普賢大菩薩成衆多月輪同時出現普淨一切有情大菩提心已於一切如來周布而住是諸月輪從一切如來智金剛出即入世尊大毗盧遮那如來心以普賢性妙堅牢故安住金剛薩埵三摩地以一切如來所加持故合爲一

體成五峯光明鬘盡虛空界周徧爲量是中出現一切如來身語心金剛所成金剛杵相是相從一切如來心出已住佛掌中然後復從金剛杵中現金剛相淨妙光明具有種種殊勝色相普偏照耀一切世界復從金剛光明門出現一切世界極微塵量等如來像徧滿法界互相涉入究竟一切盡虛空界普偏徧從一切如來智金剛出即入世尊大毗盧一切世界雲海具足一切如來平等智通發生一切如來大菩提心成辦普賢種種勝行承事一切如來往菩提場摧諸魔軍證成一

一切如來平等無上大菩提果轉正法輪於普  
盡無餘諸有情界廣作一切校濟利樂成就  
一切如來三昧智通最上悉地示現一切如  
來神通遊戲以普賢性於金剛薩埵三摩地  
妙堅牢故合爲一體從是出生普賢大菩薩  
身安住世尊大毗盧遮那如來心說此頌曰  
大哉清淨我普賢 堅固薩埵自然生  
由彼堅固本無身 金剛薩埵身出現

爾時普賢大菩薩身從世尊心下於一切如  
來前月輪中如理而住復請教示爾時世尊

即入一切如來智三昧金剛三摩地受用一  
切如來戒定慧解脫解脫知見從大智方便  
大精進力起大智三昧轉妙法輪廣爲一切  
普盡無餘諸有情界校濟利益爲一切主宰  
普令獲得適悅快樂乃至得一切如來平等  
智通最上大乘現證三昧殊勝悉地等即以  
一切如來成就金剛杵授與一切如來大轉  
輪王一切佛身寶冠繒帛所灌頂者普賢大  
菩薩雙手掌中然後一切如來即爲立名號  
金剛手以金剛手灌頂法而爲灌頂爾時金

剛手菩薩摩訶薩現高舉相右手戲擲彼金剛杵安自心間作勇進勢說此頌曰

此是一切大覺尊 成就無上金剛杵  
今得授於我掌中 金剛中住金剛相

爾時世尊復入不空王大菩薩三昧出生薩埵加持金剛三摩地此名一切如來鉤召三昧即一切如來心從自心出說是大明曰

轉日羅<sub>二</sub>合<sub>一</sub>羅引惹句

纔出一切如來心時即彼如是具德金剛手菩薩乃成一切如來大金剛鉤爲出現已即

入世尊大毗盧遮那如來心合爲一體從是出現大金剛鉤相住佛掌中然後從彼金剛鉤相中出現一切世界極微塵量等如來像作一切如來請召等事於一切世界施設諸佛神通遊戲已彼不空王性於金剛薩埵三摩地妙堅牢故合爲一體出生不空王大菩薩身住於世尊入毗盧遮那如來心說此頌曰

大哉我此不空王 金剛出生金剛鉤普偏觀察一切佛 平等悉召作成就

是時不空王大菩薩身從世尊心下於一切

如來右月輪中如理而住復請教示爾時世尊即入一切如來請召三昧金剛三摩地以是  
一一切如來請召三昧於普盡無餘諸有情界普偏鉤召爲作利益悉令獲得適悅快樂

乃至令得一切如來集會加持最上悉地然後以彼大金剛鉤授與不空王大菩薩雙手掌中特諸如來即爲立名號金剛鉤以金剛鉤灌頂法而爲灌頂爾時金剛鉤菩薩摩訶薩即以所授大金剛鉤普召一切如來說此

頌曰

此是一切大覺尊 最勝無上金剛智所有諸佛成就事 最上悉地皆能召

佛說一切如來真實攝大乘現證三昧大教

王經卷第一

佛說一切如來真實攝大乘現證三昧大教

王經卷第二

宋西天藏朝奉大夫試光祿卿傳法大師施等奉詔譯

金剛界大曼拏羅廣大儀軌分第一之二  
爾時世尊復入摩羅大菩薩三昧出生薩埵